

POLELO YA BAPHATLALATŠI BA DITABA KA GA KGOLEGO THWII YA MENGWAGA YE 7 YA MOOFISIRI WA SARS WA GO DIRA BOMENETŠA

Tshwane 17 Nofemere 2022- Ditirelo tša Motšhelo tša Afrika Borwa di amogetše kgolego thwii yeo e filwego yo mongwe wa bašomi ba yona, Mrn. Malatse Kolokoto ke ba Kgorotsheko ya Maseterata wa ka Palm Ridge morago ga go bonwa molato wa bomenetša. Se se diregile morago ga tiragalo yeo molatofatšwa a nolofaditšego gore moeti o tloga mo nageng ka dithoto ntle le taodišo ya maleba.

Ka ge se se be se sa tsebege go moofisiri, Khamera ya CCTV e mo tantše a dumela letsogo le kobong go thuša moeti ka tshepetšo yeo e sego molaong ya taodišo, yeo e gananago le dipeelo tša melawana ya Karolo 15 ya Molao wa 15 wa Molao wa Khasetomo.

Moeti o ile a golegwa ke moofisiri wa Khasetomo ka ge a le gare a tloga ka sefofane sa ditšhabatšhaba. O ile a kgopelwa go laodiša dithoto ka moka tšeo a bego a di swere ka ge a ile bontšha dišupanako tše 6 tša Rolex tša go aparwa letsogong go tšwa ka mokotlaneng wa gagwe ntle le fomo ya go laodiša. O ile a golegwa, fao morago se se ile sa lebiša go kgolego ya molatofatšwa.

Khomišinare wa Mrn. Edward Kieswetter o ile a lebogiša potego le tshephagalo ya moofisiri wa Khasetomo bakeng sa go ntšha mahlo dinameng gape le go nolofatša kgoleo ya Mrn. Kolokoto. O boletše gore “potegelo go SARS ka boleng bja tshephagalo le go tšea magato ntle le go fiega, kgaugelo goba go se kgetholle, Moofisiri wa Khasetomo o ganne go dirišana le bosenyi goba go lebelela ka lehlakoreng le lengwe ge mošomammogo a kgatlhana le boleng. SARS e beilwe maemong a tshephagalo go tiišetša gore molao wo re o laolelago ke moao wan nete gape o phethagatšwa ka seriti, gape yo mongwe le yo mongwe yo a šomišago gampe maemo a potego, o swanetše ke kotlo e boima ya kgolego”.

Go hwetša tshedimošo enngwe, ka kgopelo ikgokaganye le SARSMedia@sars.gov.za